

In superioribus classibus multæ pecuniariæ de neglecto officio et malis moribus dari possunt: quas in quatuor istis solennibus ferijs moderate licebit Consumere.

Illi ipsi, Rector et Corrector, singulis diebus omnes classes lustrabunt, nempe singulis horis binas sequente semper altero clavigero.

Pulsabitur autem campana, quadrante hora ante sequentem horam et mox aderunt discipuli, ut ratio illa subduci mature possit. Cum interim custodes decuriarum exigent scripta et quae recitanda.

Literas sacras, quoad fieri potest, non nisi historice explicabunt praefecti classium, neque de illis quoque disputabunt.

Non nisi de capitali criminis magistratus animadversio erit, quamquam non decernenda poena nisi cum consilio Rectoris et Correctoris, et ea quam maxime fieri potest ad conservandum decus literarum temperanda et saepe etiam ad exigendum Rectori relinquenda.

Si qui noctu turbas in plateis excitaverint, trahi in custodiam honestiorem aliquam possunt et postridie Rect. tradi.

In Logicis preeceptis, id est Grammatica, Rhetor., Dialectica cum uniusmodi materia ex Platone, Aristotele, Cicerone, Quintiliano, Varrone, Prisciano et similibus colligatur.

Dissimilitudo autem nulla sit, nisi in forma et dispositione, sive Rami, sive alterius epitome tradatur, precium operae fuerit illo principes laudari, sicut Talaeum in dialecticis Rami fecisse videmus.

Quia in vicinis scholis Philippi Grammatica Latina passim traditur, illam praesertim non auctam retineri velim, in Caeteris autem nihil Rami epitome prius aut praestantius duxerim.

In omnibus classibus preecepta potissimum mane et exercitationes vesperi, Caeteris autem horis autores illi, qui exempli causa adduntur, tradi debent.

Preecepta autem brevia, vera et utilia erunt.  
Musica semper meridie: Mathesis autem alia die Mercurii mane et 9. tradetur.